

普洱府志稿卷之五十

雜志二

異聞

怪異之事聖人不言然有談奇可喜之事古人每多傳之如犧經之豕負塗鬼載車左傳之蛇鬪等事尙已後世史家以南北朝所紀爲多六朝以來茲書益繇如述異記齊諧皆所最著者也普洱地處極邊尤多異氣而有怪微茲擇其事之稍雅馴而近理者紀之當不徒以資劇譚也

〔舊志〕通關哨有關帝銅像腹臍有孔內有蜂無敢窺者

普洱府志稿

卷之五十

雜志二

異聞一

窺之則蜂從孔出螫人嘉慶二十五年普洱官兵出師臨安蜂隨之去師旋蜂亦回土人相傳爲雍正閒元江民避土寇昇神像入普至通關重不可舉遂立祠祀焉

〔舊志〕述異記雲南元江府普洱地方夷人能咒木土芭蕉易人之骸初亦不覺數日後始苦行步不便不久卽死

〔舊志〕夜間空中有流光如帚似彗星之狀此名飛蠱乃蛇蠱也畜蠱之家奉此蠱神能致富但蠱家妻女蛇必淫之蛇每於晚閒出遊其光如彗遇人少處下食

人腦居民時屆黃昏不敢露坐恐遭其毒也

劉崑南中雜說緬人之蠱不用藥而用鬼世傳神咒能  
四十九日咒牛皮如芥子號曰牛皮蠱咒犁頭鐵亦  
大如芥子號曰犁頭蠱下蠱之法但藏芥子於指甲  
之內對人彈之藥卽入腹矣漢人中毒而還彼又計  
其道里之日月復誦神咒則蠱毒大發饑瘦而腹脹  
數月而死

舊志山村夷人有名白母者卽巫覡也不論男女多習  
其術其睛黃毛寒易辨能以雞脛骨占吉凶其法以  
雞骨二枚剔淨倒執之驗其孔多少以細篋籤插其

普甌府志稿

卷之五十

雜志二

異聞二

上左爲神爲賓右爲主爲事又能持咒遣鬼害人受  
其患者必另延白母看水碗而收之或訟之於陰陽  
學處以審其讞事雖不經抑亦崇信巫鬼之陋俗耳

按夷人謂咒曰白去聲  
謂巫曰母皆夷語也

舊志乾隆閒總兵轅門出入所放之礮忽失去一位越  
數日黃姓煮酒於酒飯中得之傳爲奇異黃氏自此  
蕩產

舊志嘉慶六年把邊江有魚躍入舟舟子秤之重十八  
觔次日有知府福桑阿官眷及從人過渡倏而風浪  
大作舟覆溺死者亦十八人

舊志迤南道署在府城中衢東向本土酋那氏故宅設  
流時仍其舊址而恢拓之建行臺焉堂後爲寢所爲  
花園頗幽邃更靜後常有人聞夷語喧譁出進叫囂  
甚或現形移燈弄盃屋上飛沙有某觀察至督辦江  
干事竣白晝所見皆冥中人物於是寢食不安因得  
疾廣延術士驅治而怪異不絕旋卒於署或曰蓋冤  
鬼也

舊志宣慰司世居小猛養乃九龍山第五山也左白象  
寺右金塔寺其家藏有焦石三枚大如鶩卵黑色每  
讌客以清水一大盃投石其中少頃水卽熱須臾騰  
沸成湯可以烹魚殆山海經所謂燃石之類歟

普洱府志稿

卷之五十

雜志二

異聞三

舊志九龍江有夷人一種計四五百戶名曰歹緬譯言  
普洱人也最强悍有力宣慰司用爲土練凡衝鋒輒  
居前茅決勝按郡治東山舊名普洱山卽光山又有  
普洱河卽三岔河下流會思茅河處昔有土目率眾  
居山下後因兵燹徙居九龍江故今猶以地名名其  
人志不忘本也

